

D. m. 235.

1) Laccus, hyper.

nebst 2) - 12)

Holzschneide f. 7) u. 9)

D. m. 235

M. F. (1-6, 8-10, 12)

Herbst vnd Erndt  
Predig/ auß dem 26. Capitel/  
des fünfften Buchs Mosis.

Zur Dancksagung/ für den reich/  
en Herbst vnd Ernd/ dieses gegen  
wertigen Jars.

Gehalten den 9. Wintermonats/ zu Tübingē.

Durch  
Jacob Heerbrand/ Doctor vnd Professorn  
der H. Schrifft daselbst.



Gedruckt zu Tübingen/ bey Alexander Hoct.  
Anno M. D. LXXXIII.

Jakob Heerbrand

# Das sechs vnd zwen- zigst Capittel des fünfften buchs/ des heyligen Propheten Moses.

**W**enn du ins Land kommest/ das dir  
der Herr dein Gott zum Erbe gebē  
wilt/ vnd nimmest ein/ vñ wonest da-  
rinnen/ so soltu nemen allerley erstē  
Frucht des Lands/ die auß der Erden komē/  
die der Herr dein Gott dir gibt/ vñ solt sie in et-  
nen Korb legē/ vñ hingen an dē ort/ den dir der  
Herr dein Gott erwölē wirt/ das sein Name  
dasselbs wone/ vñ solt zu dem Priester komē/  
der zu der zeit da ist/ vnd zu im sagen: Ich be-  
kenne heut dem Herren deinem Gott/ das ich  
kommen bin in das land/ das der Herr vnsern  
Vätern geschworn hat/ vns zu geben.

Vnd der Priester soll den Korb nemē/ von  
deiner Hand/ vnd für den Altar des HERRN  
deines Gottes nider setzen/ Da solt du  
antworten/ vnd saen: Für dem HERRN  
deinem Gott/ die Syrer wolten meinen Väter  
vmbbringen/ der zog hinab in Egypten/ vnd  
ware daselbs ein Fremdling/ mit geringem  
Volck/ vnd warde daselbs ein groß vnd vil  
A 2 Volck.

**Volck.** Aber die Egypter handleten vns vbel/  
vnd zwungen vns/ vnd legten einen harten  
Dienst auff vns.

Da schrien wir zu dem Herren dem Gott/  
vnsrer Vatter/ vnd der **HEXX** erhöret vnsrer  
schreyen/ vnd sahe vnsrer Elendt / Angst vnnnd  
Not/ vnd fähret vns auß Egypten mit mechtiger  
Hand/ vnd außgerecktem Arm/ vnd mit  
grossen schrecken/ durch Zeichen vñ Wunder/  
vnd bracht vns an disen ort/ vnd gab vns dis  
Land/ da Milch vnd Honig inen fleußt.

Nun bringe ich die ersten Frücht des lands/  
die du Herz mir gegeben hast/ vnnnd solt sie las-  
sen für dem Herren deinem Gott/ vñ anbettē  
für dem **HEXX** deinem Gott/ vnd frölich  
sein vber allem güt/ das dir der Herz dein Got  
gegeben hat/ vnd deinem Hause/ du vnd  
der Leuit/ vnd der frembdling/  
der bey dir ist.



Auslegung.

## Auflegung.



**E** ist/ geliebte im Herrn Christo/ ein feine Gottselige vnd nützliche Zucht bey vns / da Christliche Eltern ihre Kinder anführen vnd gewöhnen/ das sie vor vñ nach dem essen / das Benedicte/ vnd Gracias sprechen.

Es sollen aber solches nicht allein die Kinder thun / Sonder die Alten sollen auch mit betten/ vnd sich d. ssen nicht beschemen / damit sie sich erinnern/ woher die narung Essen vñ Trincken/ auch was man zu auffenthaltung diß zeitlichen lebens bedarff/ komme/ Nemlich das es nicht ort gefährlich daher komme / oder allein mit vnser arbeit/errungen vnd gewonnen werde/Sonder das solches alles von Gott dem Herren / gegeben werde / wie vns die heylige Schrifft solches lehret.

Dann also singet der hellig Propheet vnd König David/ Es ist vergeblich / das ihr frū auffsteht/ vnd hernach lang sitzet/ vnd esset ewer Brod mit sorgen/ Dann seinen freunden gibt er schlafend. Vñ S. Paulus: Es ist weder der da pflanzet/ noch der da begerisset etwas / Sonder Gott/ der das gedeien gibt. Psalm: 127.  
1. Corinth. 3

Also ist nun auch vnser lieber Herz Got / mit seinem aufferwöltem Volck Israel/ als mit seinen  
A 3 nen

## Ein Herbst vnd

nen Kindern vmbgangen/vnnd hat sie auch gelehret erkennen / das sie die Nahrung vnnd alles gutes von ihme empfangen.

Derhalben auch neben andern vrsachen/ vmb diser willen die hohe Fest eingesetzt/da sie alle mit einander / sonderlich was männlich war/ jährlich drey mal auff die selbige/ zu ihrer allgemeyne Pfarckirchen solten vnd müsten kommen / Vnd fürnemlich auff das Pfingstfest vor der Ernde/ wann die Früchten anfangen reiff oder zeitig zu werden/ Vnnd dann nach eingesamletem Herbst im Weinmonat/vor ime erscheinen / vnnd für die empfangne desselbigen jars Früchten / ihme lob vnnd danck sagen / Wie wir in diesem verlesenen Text angehört haben.

Dieweil dan nu/der gnädig gütig vnd barmherzig Allmächtig ewig Gott / vns außsonderte gnaden dises Jahr / welches doch ein böses ansehen gehabt/vnd vil gewulich dauon geweissaget/ wie vns auch er selber durch den erschrockenlichen Cometen/so eben jetze vor einem Jar erschienen/gedröwet/so miltiglich gesegnet / vnnd ein so reiche Ernde vnd Herbst gegeben/vnd im friden mit glück hat lassen einbringen / Sollen wir billich solches mit herglicher vnd schuldiger danckbarkeit erkennen.

Damit wir nu hierzu erwecket vñ auffgemuntert werden/wöllen wir dismal ein Herbst vnd Ernde Predig thun / vnnd auß anleitung dises verlesenen Texts/erstlich erzelen/die höchste vnd fürnemste



## Erndt Predig.

2

fürnemeste Gutthaten / so Gott der Herr seinem Volck Israel erzeiget vnd beweisen hat.

Zum andern / was er widerumb vnd hergegen von ihnen erfordere / wie sie sich gegen ihme sollen verhalten.

Zum dritten / was wir darauß sollen lehren / vnd wie auch wir vns gegen Gott dem Herren / von wegen dieses Jars reichem Herbst vñ Erndt sollen erzeigen / Der Herr verlethe vns sein gnad darzu.

### Von dem ersten.

**E**S sind aber nicht schlechte noch geringe Gutthaten / die Gott dem Volck Israel hat bewisen / Sonder die höchste vñnd gröste / Daser erstlich iren Erquatter Abraham / da er noch ein Abgötterer war / auß Gnaden er wölet / beruffen / sich vnd seinen Willen ihme geoffenbaret / vñnd verheissen / das er sein vñnd seines Samens oder nachkommen gnädiger Gott wölle sein / vñnd von seinem Samen lassen geboren werden / den Heiland der ganzen Welt / Darzu auch dz gelobte Land Canaan / darinnen er ein frembding war / zubesigē eigenthumblich eingeben / vñ darüber mit ihme einen Bund gemacht / auch selbigen mit einem Eidschwur bestetiget / wie wir auch hie im verlesnen Text angehört.

Josue am 24.

1. Buch Mose am 12. Cap.

Daselbsten am 15. Capitel

Psalms 147.

Das ist nu die fürnemeste Gnad / dergleichen er keinem Volck nie gethon / welches auch der Königlich Prophet David vber die massen thümet /

## Ein Erndt vnd

Apostelgeschichte  
am 14. Capitel.

Psalms 119.

1. Buch Mose  
am 31. Capitel.

met/vnnd spricht / Der Herr zeiget Jacob sein Wort / Israel seine Sitten vnd rechte / So thut er keinen Heiden / noch laßt sie wissen seine Rechte. Wie auch S. Paulus zustimmet/vnnd spricht/ dz Gott in vergangen zeiten hab lassen alle Heiden wandlen ihre eignen Wege/ Das seind aber lauter Irzweg gewesen/in blindeheit vnnd mancherley Abgötterey. Da das Volck Israel ein richteigen Weg zu dem ewigen leben hat gehabt vn̄ gelehret auß Gottes Wort/ welches ihnen ist gewesen ein Lucern vnnd Liecht ihrer Füße/welchem sie in der Finsternuß diser Welt habē kōnden nachgeben/vnnd volgen auff sicherer Strassen in das ewige leben.

Darnach so rhümet der heilig Geist durch den Prophetē Mosen/für das ander/noch ein Grad/die Gott der Herr dises Volcks Erguatter Jacob/von dem die zwölff Stämme Israel herkommen / erzeiget habe / das ihne die Syrer haben wöllen vmbbringen/ wie sie ihne nachgeolget/Aber vnser Herr Gott hat im wunderbarlich dauon geholffen/da er dem Laban im schlaff verbotte/er solte Jacob nicht ettz böses wörtele geben/Sonder nichts dann guts vnd freundlich mit ihme reden.

Er hat ihn aber nicht allein dazumal gnädiglich behütet/vnd außgeholfen/Sonder auch als er mit seinem Gesind in grosse hungers noth gertet / hat er ihn in Egypten Land gebracht/vnd durch Joseph erhalten/vnnd mit allen den  
seine

## Herbst Predig.

3

seinen zu Hungers zeiten ernehret / dergleichen auch seinen Samen / wunderbarlich daselbst wider die veruolgung vnnnd tyranney Pharaonis vnnnd der Egypter / da sie dieselbig vnderzuckten / mit allem Gewalt sich vnderstien den / vnnnd sie hart plaget / vnnnd vbel tractiert oder gehandelt haben / wie in dem Text verlesen worden / gemehret.

Da sienn vnder der arbeit / angst vnnnd noth / seuffteten / vnnnd zu dem Herren schryen / Saher ihr ellend / angst vnnnd noth / vnnnd fürte sie gewaltiglich mit grossen Wunderwercken vnnnd zeichen / die er vmb ihrent willen in Egypten that / auß dem Diensthaus vnnnd Tyranney Pharaonis.

5. Vnnnd hat sie gebracht in das Land Canaan / welches er ihren Vätern mit einem Eydschwur verheissen hatte / Stieß vor inen die Heyden auß / vnnnd setzet sie darein / Nicht vmb ihrer frombkeit willen / dann sie haben ihn stättiges erzürnet in der Wüste / Sonder weil ers verheissen hat / gab er ihnen dises gute Land ein / welches floss von Milch vnnnd Honig / das ist / Es war ein rechte Schmalgrüb / ein reich / fruchtbar vnnnd gutes Land. Daher es auch nicht vnbillich / das gelobete Land genennet wirdt.

Da haben sie auch guten Friden gehabt / das ein jeder / wie die Schrifft dauon redet / vnder setzem Feigenbaum vnnnd Weinstock gesessen / vnnnd

B

das

## Ein Herbst vnd

das gutte des Lands geessen/vnd also Gott vnd  
gnug gehabt / Ist aber das nicht ein glückselig  
Volck gewesen: dem nichts vberal / weder an  
Seel/ Leib/ noch gut gemangele hat/ Sonder in  
allem disem/ den vollauff gehabt/vnd hat ihnen  
vnsere Herrre Gott den vollen eingeschickt.

## Von dem andern.

**W**as erfordert nu diser Gnädige Gott vnn  
Vatter von seinem Volck: Wie sollen sie  
sich hergegen widerumb erzeigen: Sie sollen  
ihme das Gracias dafür sprechen/ das ist/ ihme  
lob vnn danck sagen / offentlich in der Gemein/  
Darumber auch das Pfingst Fest hat eingesetzt  
vnn verordnet / das sie dar auff solten zusamen  
kommen / vnn da von hertzen ihme für die Gab  
ben/so er ihnen zeigte/danck sagen.

Wie dann der heilige Geist/durch Mosen/ein  
sonderliche Form vñ weiß jnen hie für schreibet/  
deren sie sich in der Kirchen/vor Gott dem Herr  
ren solten gebrauchen. Darinnen ihme die Ehr  
geben / Daser ein warhaffteiger Gott sey / der  
trewlich alles das jenig halte / was er zusaget  
vnd verspricht/Wie er dann auch die verheissung  
des Lands Canaan / Abraham/ Isac vnd Jas  
cob geschehen/ gewaltiglich vnn wunderbarlich  
gehalten / Da er vor ihnen her / die gewaltige/  
starcke vnn mächtige Völcker/so in den festen  
Stetten

## Erndt Predig.

4

Stetten wohneten/vertriben/ vnd sie hinein geführet hat/Welches sie selber die Kinder Israel/ als sie im anzug waren/vnnd das Land erkündiget hatten/ein vnmöglich ding gedauchte/ dar um sie auch weineten/vnnd wolten nicht hinauff ziehen/noch das Land auff Gottes beuelch einnehmen/noch dennocht ist es geschehen.

Dar umb solten sie solches öffentlich vor dem Herren bekennen vnd sagen/vor dem Priester/ich bekenne heut dem Herren deinem Gott / das ich kommen bin in das Land/das der Herr vnsern Vätern geschworen hat/vns zugeben.

Es wil sich aber Got der Herr nicht mit bloßen Worten / aller dings also bezahlen vnd abfertigen lassen / Sonder erfordert auch das Werck/ damit man sich gegen ihme danckbar erzeige.

Dar umb so gebeut er / das sie nicht mit leeren händen zu vnnd für ihn kommen/Sonder sollen allerley erste Frucht des Landes/ die auß der erden kommen / die inen der Herr ihr Gott geben/ ehe vnnd dann die Erndt recht angeht / wie bey vns das rübe Korn/vnd die Äuffen oder Sänggen seind/in ein Korb legen/ vnd mit sich bringē/ zu der stiftes Hütten oder Kirchen / die solle der Priester / so zur zeit sein würde/ für dem Altar des Herren nider setzen.

Warum das? Darmit anzuzeigen/das sie dis Land von Got zum Lehen empfangen/ der auch durch seinen miltreichen Segen/ inen dise Früchte

B i t t e n

## Ein Herbst vnd

ten bescheret hette/ Gleich wie sonst die Baro-  
ren/so Lehen haben / die müssen jählich ein gewis-  
se Anzahl Lehenfrüchten iren Lehen Herren brin-  
gen vnd bezalen/damit sie erkennen vnd bekens-  
nen/ das die Höfe nicht ihrer eigenthumblich sei-  
en / Sonder habens vnd tragens zum Lehen/  
in recognitionem Domini.

Also sollen sie die Kinder Israel / sich auch  
danckbar gegen Gott ihrem Lehen Herren / der  
ihnen diß Land zu besitzen vnd zu niessen eingee-  
ben hat/auch die liebe Früchten des Felds vnd  
der Erden/ so gnädiglich bescheret / nicht allein  
mit blossen Worten / sonder auch mit dem Werck  
vñ Thaten beweisen/Das ist nu/das auch gesage  
wird/vnd solt sie (die Früchte) lassen für dem  
Herren deinen Gott / vnd anbeten für dem  
Herren deinem Gott.

Was will er aber darmit/das er hinzu setzet  
vnd frölich sein vber allem Gutt / das dir der  
H E R R dein Gott gegeben hat/ vnd deinem  
Hause /du vnd der Leuit/vnd der Fremdling  
der bey dir ist:

Es redet hie Gott der H E R R wie droben  
in diesem fünfften Buch am 12. 14. 16. zusehen/von  
dem Wolleben/Walzeiten / Gastungen / Essen  
vnd Trincken/die sie hatten vnd hielten/wann sie  
an iren Festen zu der stiftes Dätten kamen/das  
hies für den H E R R E T kommen / dann da  
wohnet Gott/da hat er sein Rauch vnd Feuer  
stalt/

Esic. 31.

## Ernd Predig.

stat/da hielt er Haus/also zureden/da solt man  
in finden/da im Opffern/anruffen/vn Dienen/  
sonst nirgent/wie auch er hie sagt/Das sein Nas  
me daselbst wohne / Da solten sie nu Essen vnnd  
frölich sein für dem Herren / sie die Alten / ihrs  
Söhne vnnd Töchtern/ Hausgesindt/ ihr Leuit/  
auch die Fremdling/Wittwen vnnd Weisen/so  
vnder ihnen woneten/die solten s auch geniessen.

Vnd mocht ihnen vnser lieber Herre vn Gott/  
die Frewde/Essen/Trincken/Wolleben/ıc. wol  
gönnen / doch das es mit rechter bescheidenheit/  
vnd in der forcht Gottes geschehe / den solten sie  
stättigs vor Augen haben / auff ihn sehen/vnnd  
wissen/daser darbey were/vnd zusehe/der halben  
sich nicht voll/sonder wol halten.

## Von dem dritten.

**S**Age aber jemand / was geht vns das an?  
Wir seind nicht Juden / so haben wir kein  
solches ort/da man allein hingehn müsse/so  
bringe man auch vnserm Herrn Gott nit mehr  
also die erstling der Früchten / wie in der alten  
Lhe/vnd im Gesetz Moses geschriben steht?

Antwort/es sagt S. Paulus/ das alles was Rom. 15.  
geschriben sey / das sey vns zur Lehr auffgeschri  
ben/Also sollen wir nu auch wissen/das ob wol/  
wir die Ceremonien vnnd Kirchengebrauch / des  
Gesetz Moses/wie das Volck Israel/ nicht mehr

B ii) zuhal

## Ein Herbst vnd

zuhalten schuldig/dann solches alles auffgehebt/  
vnd ein end genommen.

So sehen vnd wissen wir gleichwol/sollens  
auch hieraus lernen/dz Gott der Herr / von vns  
allen vnd jeden/ zu jeder zeit danckbarkeit erfor-  
dert/von wegen grosser vnd vilfeltiger Guttha-  
ten/die er vns so Väterlich erzeiget vnd beweis-  
set/das wir sie erkennen/rhümen vnd preisen.

Dann er vns nicht weniger / noch geringere  
Wolthaten so genediglich mittheilet / als vor zeis-  
ten seinem Volck Israel / ja eben dieselbige/aber  
vil reichlicher.

Anfangs / so hat er vns gnädiglich beimges-  
ucht/vñ nach langwiriger dicker greulicher fin-  
sternussen/blindheit/erschrockenlichen Irthums-  
men/vñ vilfeltiger Abgötterey des Papstums/  
mit dem hellen licht seines heyligen Seligma-  
chenden Worts vns erleuchtet/lasset vns dassel-  
big rein vnd lauter predigen/ welches nach der  
Menschwerdung vnd Erlösung vnsers einigen  
Heylands vnd Seligmachers Jesu Christi die  
höchst vnd grösste gnad Gottes ist/ vnd lasst vns  
solches im Friden geprediget werden / was dz für  
ein edel Reinosseye / verstehn leider wenig Leute/  
vnder den vnsern. Die verstehn es aber/so es ger-  
ne hören/seuffzen darnach/vnd Eündens niche  
one gefahr leibs vnd lebens/ Daab vnd irer Ghe-  
ter hören/lauffē et wan einer Predig vil Meilen  
weg s



## Erndt Predig.

6

wegs nach/biß sie dahin kommen.

Zu dem / so hat vns auch Gott der Herr ein gutes Land gegeben/welches/ wiewol es nicht so groß/doch vnder den besten im Teutschland eines ist/das vns wechset/Wein vnd Korn/ sampt ander/was zur narung vnd Auffenthaltung/dises zeitlichen lebens von nöthen.

Vnnd nach dem er vns in verschinen Jaren/ von wegen vnserer Sünden / mit woluerdienter greulicher schwerer vnd langwiriger Thewrung hat heimgesucht/ vnd wir von herten zu ihm gesuffret vñ geschrien/hat er / wie hie Moses sagt/ vnser angst vnd not gesehen/ vns gnediglich erhört/ vnd mit Väterlichen Augen seiner Barmhertzigkeit wider angesehen/im Zorn vnd Straff seiner Genad vnd Güte widerumb gedacht/ vnd vber schier aller Menschen hoffen vnd gedancken mit einer gar reichen Ernde gesegnet/Dann das war dazumal die gemein sag vnd red / es kan nit mehr wolfeil werden/es komme dann ein starcke Pestilenz / die den halben theil der Welt hinweg neme/der Leut seind gar zuvil/man wirt einander fressen / es erlebts kein Mensch mehr/das es widerumb wolfeil werde/2c.

Nun haben wir es erlebet / das es von einer einzigen Ernde wolfeil worden ist / vnnd alle Küsten gefüllet/Sonderlich aber dises Jar / hat vns Got der Herr so gar reichlich in der verschinen Ernde mit Früchten/vnnd in disem Herbst mit

mit

## Ein Herbst vnd

mit Wein dermassen gesegnet / dz man nie weißt /  
wo man die Frücht hinschütten solle / noch auch  
den Wein allen in die Kehr / oder Keller / welche  
fast alle vol / vnderbringen / vnd seind nicht Fass  
genug / wiewol man die alte verlegne alle herfür  
gesucht hat / damit man allen möge fassen / sond  
an etlichen orten hie in grosse Bitternen müssen  
stellen / wie es dann auch an andern mehr orten  
eben dise gestalt hat.

Welches von mir keiner andern vrsach hal  
ben erzehlet wirdt / dann allein dem gnedigen gü  
tigen vnd barmherzigen Gott vnd Vatter / des  
sen Werck man nicht soll verhalten noch ver  
schweigen zuehun / lob / ehr vnd preis.

Wie sollen wir vns dann hingegen widerum  
verhalten: Wir sollē auch vnserm Herren Gott  
öffentlich in der Kirchen oder Gemein / vnd da  
heimen in vnsern Heusern mit vnsern Kindern  
fleißig Deo Gratias, das ist / Lob vnd Danc̄ sa  
gen / vnd das thun / mit Worten vnd mit Wer  
cken.

Mit Worten / nicht allein jetzt / dieweil die  
Gutthat noch frisch vnd new ist / wie man dann  
nocht allenthalben höret / das die Leut gemeing  
lich sagen / Gott sey Lob vnd Danc̄ / das er vns  
so ein guten vñ reichen Herbst gegeben hat. Son  
der auch das ganze Jar / ja die Tag vnseres le  
bens / so offte wir einen trunct Weins thun / od̄ ein  
bissen Brot einschteben / das wir Gott dem Vate  
ter

ter im Himmel dafür lob vnd danck sagen.

Darzu vns dann der Herr in seinem heyligen Colos. am 3.  
Wort allenthalben vermanet/ das wir in allem/  
vnd für alles lob vnd danck sagen/ Gott vnd dem  
Vatter durch Christum.

Welches auch billich von vns geschicht/ Seie  
temal alles/ was er vns gutes thut vnd gibt/ auß  
lauteer gnaden geschicht/ ohne vnsern Verdienst/  
dann wann er vns mehr nicht gues thun / oder  
geben solte/ dan wir vmb ime verdienen oder werth  
seyen / so solte er vns weder Laub noch Gras  
wachsen lassen/ wie er vns dann auch niches schul  
dig ist/ aber er last sein Sonne auffgehn/ vber gut  
vnd böß/ vnd last regnen vber gerechte vnd vn  
gerechte. Matth. 5.

Zu solcher Dancksagung vns auch diß solle  
reizen/ das Gott der Herr ime solches gnediglich  
last wolgefallen/ vnd helt es auß gnaden/ für ein  
sondern/ hohen/ vnd ihme angenehmen Gottes  
dienst / wie er im Psalmen saget: Opffere Gott Psalm. 50.  
danck / vnd bezale dem höchsten deine Gelübde/  
vnd ruffe mich an in der not / so will ich dich er  
retten/ so solt du mich preisen. Vnd abermal/ ich Psalm. 69.  
wil den Namen Gottes loben mit einem Lied/ vñ  
wil in hoch ehren mit Danck/ das wirt dem Herr  
ren bas gefallen/ dann ein Farz/ der Hörner vnd  
Klawen hat.

Also haben Gott für alle seine Geistliche vnd  
leibliche Gaben gedancket/ seine heiligen im alten  
C vnd

## Ein Herbst vnd

vnd newen Testament / Sonderlich aber der heilig vnd Königlich Prophet David / so oft iene Gott der Herr auß einer sonderen noch geholffen / oder sunst ein sondere Gnad erzeiget / Ist er mit seiner Harpffen vnd Sayttenspil kommen / vnd vnserm Herzen Gott einen Danckpsalmen gemacht vnd gespillet / Auch für andere sein Werck Gnad vnd guttaten / so er in gemein / seinem Vold bewisen / mit Psalmē gedancket / wie durch auß im Psalter zusehen / Sonderlich aber vom hundertten vnd dritten an / in folgenden etlichen Psalmen / Lobe / spricht er / den **H E R R E N** mein Seele / vnd was in mir ist / seinen heiligen Namen / vnd widerholet es. Lobe den **H E R R E N** mein Seele / vnd vergiß nicht alles guts / was er an mir gethon hat / Der dir alle deine Sünde vergibe / vnd heilet alle deine Gebrechen / Der dein Leben von dem verderhen erlöset / Der dich frönet mit Gnade vnd Barmherzigkeit / Der deinen Mund frölich machet / vnd du wider Jung wirst / wie ein Adler / Vnd am ende des Psalmen. Lobet den **H E R R E N** / ihr seine Engel / ihr starcke Helden / die ihr seinen Beuelch außrichten / das man höre die stimm seines worts. Lobet den **H E R R E N** alle seine Heerscharen / seine Diener / die ihr seinen Willen thut / Lobet den **H E R R E N** alle seine Werck / an allen orten seiner Herrschafft / Lobe den **H E R R E N** meine Seele.

Psal. 103.

Dieses schlags sind auch die folgende fünf Psalmen

men nach einander / wie in dem 108. spricht Dauid / Gott / es ist mein rechter ernst / Ich will singen vnd dichten / mein Ehre auch / wol auff Psalter vnd Harpffē / Ich will frū auff sein / Ich will dir dancken Herz vnder den Völkern / Ich will dir Lobe singen / vnder den Leuten / denn deine Gnade reicher so weit der Himmel ist / vnd deine Wahrheit / so weit die Wolcken gehn.

Im hundertten vnd eilfften Psalmen / singet er abermal / Ich danck dem H E R R E N von ganzem Herzen / im Rath der frommen / vnd in der Gemein / Groß seind die Werck des Herren / wer ihr achtet / der hat eitel lust daran / Was er ordnet / das ist löblich vnd herzlich / vnd sein Gesichtigkeit bleibet ewiglich.

Vnd wer wolt alle die schöne herzliche lob vñ danck Psalmē Dauids erzelen / deren der Psalter vol ist / Dise hab ich kurglich angezogē / damit unsere Herzen auch engündet würden / zu ernstlicher vnd embsiger Dancksagung für alle Gaben vnd Wolthaten Gottes / wie andere mehr Danckpsalmen / für die Speiß vnd Nahrung / die man zum *Benedicite* vnd *Gratias* pflege zusprechen.

Dergleichen ist zusehen / in din Episteln sancti. Thimoth. 2. Pauli / das fast in allen Dancksagungen seind / darzu er auch seine Christen vermanet.

Also lesen wir auch in den heiligen Euangelisten / von dem Herren Christo selber / wie er so  
 C is herglich

## Ein Herbst vnd

herzlich / vor dem Essen alle mal / wann er das  
Brot in seine Hand nimet / mit auffgehebeten Au-  
gen gehn Himmel / Gott seinem himlischen Vate-  
ter dancket.

Warumb solten dann wir arme Würmle / nit  
vil mehr dem Exempel des Herzen Christi nach /  
Gott dem himmelischen Vatter / durch Christum  
danck sagen / für seine Gaben / die er vns so reich-  
lich diß Jar an Früchten vnd Wein / dargereicht  
vnd gegeben hat: Ja freilich / soll sein Lob stet-  
tigs in vnserm Munde sein / vnd von ganzem  
herzen ihm danck sagen in der Gemein / vnd das  
heim im Hause / auch vnser Kinder dahin an-  
weisen vnd vermanen / das sie es nimmehr auß  
der acht lassen / vnd stetigs Gott lob vnd danck  
sagen / das sie jetzo gnug zuessen / vnd ein gut stuck  
Brot derffen schneiden / da man zuvor diene schniele  
herabschneiden / vnd ihnen außzircklen müssen /  
darmit es lang weere / vnd ihnen der bitter Hun-  
ger auß den Augen herauß gesehen.

Es soll aber auch nicht bein Worten bleiben /  
dann / damit allein ist es nicht außgericht / Son-  
der es erfordert Gott der Herz von vns / das wir  
ihme auch mit Wercken vnd der That / lob vnd  
danck / für seine Gaben sagen.

Wie geschicht nu solches / das wir Gott mit der  
That vnd Arbeit / für die empfanghe Gaben  
danck sagen: Also / wann wir dieselbige rechte ges-  
brauchen / wie vnd war zu sie er vns gegeben hat /  
Nemlich

Nemlich das wir die liebe Früchten Gottes/ sonderlich den Wein/ in seiner forcht/ mit rechter bescheidenheit vnd mesigkeit genießen.

Es mag Gott der Himmelsch Vatter wol leiden/ ja er befelche solches hie/ das sein Volck frölich sey ob allem Gutes/ das er ihnen gegeben hat/ Sollen auch mit freuden Essen vnd Trincken/ Aber doch für ime/ das sie wissen solten/ vnd stets gedencken/ wo/ vnd an wölchem ort sie weren/ wer bey ihnen vnd vmb sie were/ vnd ihnen zusehe/ Nemlich für Gott/ der darbey will sein/ vnd zusehen/ was sie thun/ wie sie sich halten/ mit Essen vnd Trincken/ Als wann die Eltern ihre Kinder auff die Jarsträg zu Gast laden/ an S. Martinsnacht/ oder sonst/ sehen sie gerne das die Kinder frölich seind/ Essen vnd Trincken/ vnd gönnens ihnen von hertzen wol/ seind auch mit ihnen frölich/ Aber weil die Katz/ wie man sagt/ auff dem Reffert sigt/ so halten die Kinder innen/ das sie nicht vngeschickt werden/ oder es mit trincken vber machen.

Also sollen sonderlich die Zechbrüder wissen/ mercken vnd wol behalten/ die/ wann sie weidlich Pocalen wöllen/ suchen sie ein sonder neben oder Hubenstüble/ da sie allein/ von Leuten/ damit niemandt soll sehen was sie thun/ oder wie sie sich zersauffen/ das etlich vber die Schranken hinab fallen/ Andere hinder dem Tisch bleiben/ vnd nicht mehr gehn können/ das man sie heim fro-

## Ein Herbst vnd

nen vnd führen muß/ Das sie für Gott seien/ wölscher auch darbey/ vnd selber der Wirt sein will/ vnd zusehen/ wie sich seine geladne Gäst verhalten.

Psalm. 139.

Vor dem Königen sie sich nicht verbergen/ vnd wann sie sich schon hinter neun eysen Thüren verschließen/ sie wöllen oder nicht/ so ist der da/ wie Daud sagt: **H**Erz du erforschest/ vnd kennest mich/ Ich sitze oder stehe auff/ so weistu es/ du verstehest meine Gedancken von ferne/ Ich gehe oder lige/ so bistu vmb mich/ vnd siehest alle meine Wege/ Was soll ich hin fliehen vor deinem Angesicht/ fürs ich gehn Himmel/ so bistu da/ Bette ich mich in die Dölle/ siehe/ so bistu auch da/ Neme ich flügel der morgen röt/ vnd blibe am eussersten Meer/ so wurde doch deine Rechte mich halten/ Sprech ich/ Finsternus mügen mich decken/ so muß die Nacht auch liecht vmb mich sein/ Denn auch Finsternus bey dir nicht finster ist/ vnd die Nacht leuchter wie der Tag/ Finsternus ist wie das Liecht.

Es hat der Allmechtige Gott vil Creaturen/ nie allein zur notturfft vñ nur dem Menschen/ sonder auch zum lust vnd freuden erschaffen/ gleich wie auch den Wein/ daser des Menschen Hertz erfreuen solle/ darumb auch wol ein frölicher Lusterundt geschehen mag/ allein das es bey der freud vñ lust bleibe/ vnd nie ein leid vñ vnlust darauß werde/ wie man sagt/ die **H**Erren sind frölich



frölich/wann es Bauren theren/so müsten sie vol  
sein/Wie dann die Leut nicht können recht frölich  
sein/sie wöllen nur wild/doll vnd vol sein/das ist  
vnrecht/sünd/vnd ein merckliche grosse plag.

Wir sollen aber hineben auch nicht vergessen/  
das Gott der Herz wil/vnd beuilcht/man solle  
des Leuten/des frembdlings/Wittwen vnd Weis  
sen nicht vergessen/das ist/man solle den armen  
auch Handreichung thun/sie mit vns lassen es  
sen/vnd auch des Segen Gottes lassen geniessen/  
Wie dann solches vil vnd offte in Göttlicher  
Schrifte widerholet wirt/mit angehenckte schön  
en vnd herlichen zusagungen/das/wer den Ar  
men gebe/der leibe Gott auff Wucher/der wölle  
es reichlich vergelten/vnd hundertfeltig wider  
erlegen/das gehört auch zu dem rechten gebrauch  
der Gaben Gottes/dann Gott gibt s nicht allein  
denen/die sie von ihren Gütern einsamlen/das sie  
dieselbige allein für sich/vnd die jren gebrauchen  
sollen/sonder setze darüber/als seine Haushalter  
vnd Schaffner/oder Verwalter/das sie auch den  
armen dürfftigen sollen mittheilen.

Wann wir nu obgehörtter massen/Gott dem  
Herzen für seine Gaben/Wein vnd Korn dan  
cken/vnd sie also gebrauchen/wie er von vns  
erfordert/so wurden wir ihne verursachen vnd  
raitzen/das er vns mehr vnd grösses erzeigete/  
Wie dann auch wir selber vndereinander thun/  
vnd also gesinnet sein/das wann ein Mensch  
danckbar

## Ein Herbst vnd

danckbar ist / gegen seinen gutthätern / so ist man willig vnd bereit / wann man kompt / vnd sagt ein jeder / Es ist wol angelegt / der Mensch ist danckbar / wann er einem durch ein Fewr schliessen solt / so thet ers.

Aber was geschicht / wie helt man sich gegen Gott / von wegen empfangner gutthaten / vnd wie dancket man ihme dafür? Wir wollen für vns nemen das Volck Gottes / vnd anhören / wie danckbar es gegen Gott / vmb seine vilfältigen hohen gutthaten gewesen sey.

Moses sagt s ihnen zuvor / in diesem Buch am 32. Capitel / machet auch ein Lied drauß / vñ laße es ihnen zur lege. Erzelet ihnen die gutthaten / so ihnen der Herr bewisen hat / vnd spricht: Denn des H E R R I theil ist sein Volck / ja ist die schnur seines Erbes / Er fand ihn in der Wüste / in der durren einöde / da es heulet / er führet ihn / vnd gab ihm das Gesetz / er behütet ihn wie sein Augapffel / wie ein Adler außführet seine jungen / vnd ober ihnen schwebet / er breytet seine Flügel auß vñ nam ihn / vñ trug sie auff seinen Flügeln / der Herr allein leyet ihn / vnd war kein frembder Gott mit ihm / er ließ ihn hoch herfahren auff Erden / vnd neeret ihn mit den Früchten des felds / vñ ließ ihn Dornig saugen auß den Felsen / vnd Sele auß den harten steinen / Butter von den Kuhen / vnd Milch von den Schaffen / sampt dem feisten von den Lemmern / vnd fetste Wider vnd Böcke mit fetten

een Viren/vnd Weizen/vnd trencket in mit guten Trauben blut/das ist/guten roten Wein.

Wie sie ihm aber dafür dancken werden/weis-  
saget er ihnen gleich darauff/vnd spricht/Da er  
aber fett vnd satt ward/ward er geil/Er ist fett  
vnd dick vnd starck worden / vnd hat den Gott  
faren lassen / der ihn gemachet hat / Er hat den  
Fels seines heils gering geachtet / Vnd zuuor sin-  
get er / Die verkerte vnd böse art / felt von ihm ab /  
sie sind schandflecken vnd nicht seine Kinder /  
Danckestu also dem Herren deinem Gott / du toll  
vnd törichte Volck / Ist er nicht dein Vatter / vñ  
dein Herr? Ist nicht er allein der dich gemachet  
vnd bereitet hat?

Wie nu Moses hie zuuor im Geist gesehen/  
vnd verkündiget hat / Also haben sie ihm auch ge-  
dancket.

Was hat aber Gott der Herr widerumb dar-  
gegen gethon/vnd disen vndanck bezalet: Das les-  
sen wir hin vnd wider im Buch der Richter / auch  
anderstwo in der heiligen Schrifft / sonderlich am  
6. Capitel ehegemelts Buchs / da steht also geschri-  
ben / Vnd da die Kinder Israel vbels theten für  
dem Herren / gab sie der Herr vnder die Hand der  
Midianiter / siben Jar. Vnd da der Midianiter  
Hand zu starck ward vber Israel / machten die  
Kinder Israel für sich Klüfften in den gebürgē/  
vnd Hölle / vnd Festungen / vnd wann Israel  
etwas seete, so kamen die Midianiter vñ Amale-  
D iter /

## Ein Herbst vnd

Eiter / vnd die auß dem Morgenland herauff vber  
sie / vnd legerten sich wider sie / vnd verderbten das  
Gewechs auff dem Land / biß hinan gehn Gaza /  
vnd liessen nichts vberigs von Narung Israel /  
weder Schaff / noch Ochsen / noch Esel / denn sie  
kamen herauff mit frem Vieh / vnd hüteten / wie  
ein grosse menge Heuschrecken / das weder sie noch  
ihre Kamel zuzelen waren / vnd fielen ins Land /  
das sie es verderbten / Also ward Israel sehr ger-  
ring / für den Madianitern.

Also ist es ihnen offte vnd dick ergangen / dann  
wanit einer sündiget / würde er gemeinglich ge-  
straffet.

Also da die Egypter die siben wolfeile Jar  
mißbrauchten / kam Gott der Herz / vnd straffet  
sie mit siben theuren Jaren / das sie nicht allein je  
Vibe vnd Land / sonder auch sich selbs auß hun-  
gers not müßten verkauffen / vñ leib eigē Knecht  
werden.

Also besorg ich vbel / es werde der grösser theil /  
dieser wolfeilen zeit / vnd der Früchten Gottes zur  
füllerey vñnd schwelger ey hefftig mißbrauchen /  
dann die Leute könden glück vnd gute tag nicht  
wol ertragen / Sonder wie Mose von seinem  
Volck singet vñnd sager / da es feist vñnd satt sey  
worden / ward er geil / wie ein Pferd / das lang  
am Baren vnd Futter stehet / würde gimmelich /  
will den Reutter nicht lassen auffzügē / bliget hün-  
den vñnd fornen auff / ob es in auß dem Sattel  
könde

Sünde werffen/ Also sag vnd besorg ich / werden  
 vnser Leut auch thun/ vnd auß dem Zechen vnd  
 vbermäßigen trincken/ ein Handtwerck machē/  
 vnd tag vnd nacht dasselbig treiben (wie der  
 Reich man/ Luc. 16. täglich köstlich lebet vnd in  
 freuden) toll vnd voll werden/ darauff dann wie  
 sant Paulus sage/ ein vnordenlich/ frech/ rohes/ Ephes. 5  
 Gottlos/ verrucht leben vnd wesen eruolget/ das  
 man vmb lauffet/ schreyet vnd prellet/ wie die vn-  
 sinnigen Leut/ reubige Schen/ vnd merzen Käls-  
 ber/ Gottes gar vergisset/ vñ seiner nicht gedencket/  
 weder wann man bey im/ vnd seinen Namen  
 fluchet vnd schweret.

Das ist nu ein greulich erschrockenlich / vn-  
 menschliche/ vnd mehr dann vñisch thun vnd wes-  
 sen/ Ein Saw ist ein vnflertigs Thier/ aber sie frist  
 nicht mehr dann ihr Natur erfordert/ Ein Kuh  
 saufft vil/ aber nicht mehr/ dann das sie iren na-  
 türlichen Durst lösche/ vnd sie wol füren vnd er-  
 tragen mag. Die menschen aber / oder vil mehr  
 vnmenschen/ die trincken nicht allein den Durst  
 zulöschē/ sonder wann sie schon nicht mehr dür-  
 stet/ noch ihnen der Wein mehr schmecket / schüt-  
 ten vnd sauffen sie doch hinein / wider ihr vermö-  
 gen vnd Natur/ bis das es vber geht.

Wo straffer man aber solche dolle volle vn-  
 flertige Sawen? die es straffen solten/ ligen auch  
 in diesem Spital siech/ vnd treiben es am allermeis-  
 ten.

C. ij

Das

## Ein Herbst vnd

Darumb so muß vnser Herz Gott kommen/  
selber drein greiffen / vnd mit allerley Plagen  
straffen/die armen mit Theurung/ Hunger vnd  
Mißgewechs/die reichen mit Kranckheiten/vnd  
dann erwa in gemein/das das Kalb muß mit der  
Ruh gehn.

Es köndte es der Allmechtig leichtlich vber  
nacht schicken/das feind vnd frembd Volck/ wie  
den Israliten / als oben angezeigt / widerfaren/  
vñ deren Exempel leyder vil vor Augen sein/köns  
den einfallen/vnd allen Vorrath von Wein vnd  
Korn auffresseren/Dann jene haben nicht allein  
gesündiget/sonder wañ jr nicht werdet bus thun/  
sage der Herz Christus/so werdet jr alle auch al  
so vmbkommen.

Darumb liebe Freund / wöllen wir Gottes  
Huld vnd Gnad behalten/vnd ist vns vnser eigen  
zeitlich vnd ewig Glück vñ Wolfart lieb/ So las  
set vns erkennen/ die grosse vil vnd manigfaltige  
vberschwenckliche Gnad vnd Gaben Gottes/ die  
er vns so reichlich zu diser vnser zeit/an Seel vnd  
Leib/wie oben erzelet/vnd wir täglich erfahren/  
gentessen vnd gebrauchen/erzeiget / vnd ihme wie  
sichs gebürt/vnd wir gehöret haben/darfür dan  
cken.

Sihe/wann wir das theten/so hetten vnd be  
hielten wir ein gnedigen Gott/ein güt gerüwig ge  
wissen/friden / gesundtheit / narung / vnd was  
wir bedörffen zu disem zeitlichen/ vnd jenem ewi  
gen

gen leben / in Summa / Gott vnd gnug / Vnd wann  
er vns der malen einest auß diesem zergenglichen  
Jamertal würde abfordern / zu sich nemen in  
sein ewiges reich / da wir ihn werden an schauen  
von Angesicht / zu angesicht / vnd also bey ihm sein  
vnd bleiben / immer vnd ewiglich.

Das wolle vns geben vnd verleihen / der gne-  
dig vnd barmherzig ewig Himmelsch Vatter /  
durch Jesum Christum seinen lieben eingebornen  
Son / vnsern einigen Heiland vnd Seligmacher /  
samt dem heiligen Geist / welcher ist der recht  
war einig Gott / ihm sey lob ehr vnd  
preiß in ewigkeit /  
Amen.

# Christenliche Danck- sagung vnd Gebett / nach vollendter Predig.

**A**lmechtiger / Ewiger / Gnediger /  
gätiger vnd barmherziger Gott /  
vnd Vatter vnser lieben **HER-  
REN**  
**D** iij **REN**

Christenliche Dancksagung

**WEN JESU CHRISZT** / sampt  
dem heilige Geist / einiger ewiger warer Gott /  
wir arme ellende Sänder / sagen dir von herze  
lob vnd danck / das du vns dein heiliges Wort /  
so rein vnd lautter last geprediget werden / vns  
auch in gutem vnd guldenem Friden bis anher  
darbey / wider alles toben vñ wütten des Teufels  
vñ der Welt / seines Werkzeugs / gnedig  
lich erhalten. Dergleichen auch für die liebe  
Frucht des Velds vnd der Erden / Wein vnd  
Korn / das du vns deinen vnwürdigen Kin  
dern / dieselbige dises Jar / so gar vätterlich vnd  
reichlich gesegnet / behütet / vnd zu vnserer leibs  
notturfft / narung / vnd auffenthaltung hast  
lassen einbringen.

Vnd bitten dich herzlich / du wöllest vns  
die Gnad deines heiligen Geistes mitteilich  
verleihen / das wir dieselbige in bußfertigen  
Herzen / mit recht Christenlicher bescheiden  
heit / messigkeit / vnd danckbarkeit / im Friden  
vnd gesundheit mögen nessen vnd gebrauchē /  
zu deinem lob / ehr vnd preiß / auffenthaltung  
vnseres leibs / vnd dises zeitlichen lebens / auch  
zu nutz des Nechsten / Vnd nach disem Jamera  
thal



vnd Gebete.

thal/vns geben die frewd der ewigen seligkeit/  
durch Jesum Christum deinen geliebte Son/  
vnsern einigen Erlöser vñ Seligmacher/wel-  
cher mit dir vnd dem heyligen Geist/lebt vnd  
regiert/ gleicher Gott/hochgelobt/  
in alle Ewigkeit/ A-  
men.

E N D E.



Getruckt zu Lübin-  
gen/bey Alexander Hock / an der  
Burgsteig/ im Jar / nach Christi  
Geburt/ 1 5 8 4.


Handwritten text, likely bleed-through from the reverse side of the page. The text is mirrored and difficult to decipher due to its orientation and fading.




Handwritten text, likely bleed-through from the reverse side of the page. The text is mirrored and difficult to decipher due to its orientation and fading.









Farbkarte #13

B.I.G.

Erndt  
Capitel/  
Rosis.

er den reich  
s gegen

s/zu Tiibingē.

nd Professorn  
bst.



xander Doct.  
XIIII.

2

